



Republika e Kosovës
Republika Kosova - Republic of Kosova
Komuna e Novobërdës
Opština Novo Brdo - Municipality of Novo Brdo

KUVENDI KOMUNAL-SKUPSTINA OPSTINE- MUNICIPAL ASSEMBLY

Anëtarit të Komitetit për Komunitete
Z./Znj. _____

Në bazë të nenit 53 të Ligjit për Qeverisje Lokale dhe nenit 42 të Statutit të Komunës së Novobërdës:

F T O J

Mbledhjen e pestë të Komitetit për Komunitete e cila do të mbahet më **13.09.2018** (e enjte) duke filluar në orën **10:00**.

R e n d i i d i t ë s

1. Aprovimi i procesverbalit nga mbledhja e kaluar e Komitetit;
2. Raport nga Drejtoria e Inspeksionit për problemet në Komunën e Novobërdës;
3. Rruga Stanishor-Strazh;
4. Të ndryshme;

Me: 09.09.2018
Në: Novobërdë




Shpresa Kqiku
Kryesuese e Komitetit për Komunitete



Republika e Kosovës
Republika Kosova – Republic of Kosova
Komuna e Novobërdës
Opština Novo Brdo–Municipality of Novo Brdo



KUVENDI KOMUNAL-SKUPSTINA OPSTINE- MUNICIPAL ASSEMBLY

PROCESVERBAL

Nga mbledhja e katërt e Komitetit për Komunitete e mbajtur më 13.07.2018, duke filluar në orën 10:00. Në mbledhje kanë marrë pjesë: Kryesuesja e Komitetit për komunitete Shpresa Kqiku, Anëtarët e Komitetit: Abdyl Gashi, Dobrivoje Djordjovic, Behare Jashari, Aleksander Pavic, Zv.Kryesuesi i Kuvendit për Komunitete Bajrush Ymeri, Drejtori i shendetësisë Tomislav Stankovic, Zyrtari për Sherbime Publike Bajram Abazi dhe përfaqësuesit e UNMIK-ut.

Kryesuesja e Komitetit pasi përshendeti të pranishmit tha: e hapi mbledhjen me këtë:

Rend dite

1. Aprovimi i procesverbalit nga mbledhja e kaluar e Komitetit;
2. Raport nga Drejtoria e shendetësisë dhe mirqenjes sociale rreth gjendjes në ambulantat e në veqanti QKMF-së në Novobërdë dhe asaj në Llabjanë;
3. Problemi i transportit publik në Komunën e Novobërdës;
4. Asfaltimi i rrugës në fshtin Bostan;
5. Problemet me ujra të zeza në fshatin Bostan;
6. Të ndryshme;

Kryesuesja i pyeti se a kan ndonjë propozim apo pajtohen me këtë rend ditë?

Pasi nuk pati propozime rendi i ditës u aprovua njëzëri nga anëtarët prezent të Komitetit.

Pika e parë: Aprovimi i procesverbalit nga mbledhja e kaluar e Komitetit.

Kryesuesja e hapi diskutimin për këtë pikë.

Pasi nuk pati diskutime procesverbali u aprovua njëzëri nga anëtarët prezent të Komitetit.

Pika e dytë: Raport nga Drejtoria e shendetësisë dhe mirqenjes sociale rreth gjendjes në ambulantat e në veqanti QKMF-së në Novobërdë dhe asaj në Llabjanë;

Shpresa Kqiku për këtë pikë ja dha fjalën Drejtorit të shendetësisë Tomislav Stankovic.

Tomislav Stankovic pasi përshendeti të pranishmit tha: me material e keni marrë raportin, jam munduar të ju informoj se ku është problemi e në veqanti QKMF në Novobërdë dhe Llabjan që janë përmendur në rend të ditës dhe problemi kryesor për mungesë të materialeve në këto qendra dhe në qendra tjera është mungesa e buxhetit. Duke pasur paraysh që ambulantat në fshatin Carevc, Bolevc janë në një distanc të madhe e kemi marrë një peticion nga ata qytetar për hapjen e një ambulate në at vendbanim dhe të gjithë e dim se buxheti i Komunës është jashtëzakonisht shumë i ulët jo vetëm në Drejtorin e Shendetësisë por në të gjitha sektoret, duke pasur parasysh buxhetin dhe duke pasur paraysh se nese fillojm me furnizimin në të gjitha ambulantat egzistuese më këtë buxheti që do të kemi

problem, mirëpo siç e kam permendur edhe në raport ne dje kemi filluar me procedurat për sigurimin e mjeteve të nevojshme medicinale për të gjitha këto ambulanta duke kycur edhe ambulanten e re në fshatin Bolevc, e kam para jush dokumentin i cili tregon se i kemi siguruar mjetet dhe do të fillojn procedurat tjera dhe deri në fund do të furnizohen ambulatat me materiale, pra do të thotë se nuk ka pasur asnjë problem tjetër përveç problemit financiar, ju faleminderit.

Kryesuesja e hapi diskutimin për këtë pikë.

Abdyl Gashi pasi përshendeti të pranishmit tha: kerkoj që të dihet se sa është shuma që ndahet për ambulanta dhe cila është kërkesa e tyre dhe pyetja tjetër është se prej ku janë marrë donacionet apo investime për këtë ambulant të re perderisa ambulatat egzistuese po kanë vështërsi me materiale.

Tomislav Stankovic tha: sa i përket ambulantave ne i pranojm të gjitha kërkesat prej QKMF në Novobërdë edhe pse i kemi edhe 8 sherbime tjera në teritorin e Komunës tonë, sigurisht jeni të njoftuar për egzistimin e sistemit paralel të funksionimit në Arsim dhe Shendetesi në Komunën tonë, ne kemi obligime ligjore ndaj të gjitha objekteve shendetësore mirëpo në një mënyrë shumë po na lehtëson punën edhe ky sistemi paralel, qështja e funksionimit të këtyre ambulanateve nuk është qështje e jona Komunale por e nivelit Qendror dhe në anën tjetër kemi arritur që ti harmonizojm gjërat në mënyr që mos të dyfishohen kërkesat dhe kemi arritur një gjuhë të përbashkët që këto ambulanta të furnizohen mirë, sa i përket pyetjes së dytë Drejtori i QKMF i dërgon kërkesat tek ne dhe në zyre të prokurimit, zyra e prokurimit i fillon procedurat dhe i funzion më materiale me aq mjete sa i lejon Kryetari i Komunës ndërsa sa i përket ambulantes në Bolevc aj objekt ka egzistuar edhe më herët dhe me një vlerë të mjeteve rreth 900€ ne do ta funksionalizojm at objekt egzistues.

Dobrivoje Djordjevic pasi përshendeti të pranishmit tha: po ndërlihem me diskutimin tuaj pasi që e permendet sistemin paralel por tju informoj se as në Kufc, Koretishtë, Stanishor nuk mund të merrni asnjë shërbim pasi që këto ambulanta nuk kan mjete, sigurisht që ju nuk jeni fajtor për këtë. Fillimisht që të duhej të funksionoj një ambulant duhet të ketë një mjek dhe sa kam unë informata Institucionet e Kosoves nuk kan lejuar që të punësohet ndonjë mjek në ato ambulanta, ndërsa në anën tjetër të punësuarit në këto ambulanta që ju i përmendet nga institucionet e Kosovës hasin në pengesa nga puntorët e Ministrisë së Shendetësisë së Serbisë. Po më vjen mirë që po hapni ambulanta të reja pasi që është e nevojshme për ata banorë mirëpo kishe qenë mirë që të hapet një konkurës për pranim të disa mjekve që të punojn, pasi që kemi shumë të rinjë të diplomuar në Komunën tonë në drejtim të mjekësisë dhe pyetja tjetër është sa i përket Qeverisë së Kosovës sa kam unë informata nuk financon për sigurim të barnave dhe mjeteve tjera medicinale në zonat ku jeton Komuniteti Serb.

Tomislav Stankovic tha: sa i përket punësimit të mjekve të rinjë besoj që të gjithë e keni buxhetin e Komunës i cili është transparent dhe aty mundë të shihni planifikimet për mallra dhe shërbime për të punësuarit e rinjë për të gjitha funksionimet e shendetësisë dhe e shikoni se nuk ka mundësi për punësim të asnjë puntori dhe jo më shumë, unë pajtohem me këtë problem, tju informoj se në mandatin e mëhershëm janë punësuar tre puntorë të rinjë dhe për ata puntor asnjëher Institucionet Komunale nuk kan mundur të sigurojnë paga, humaniteti i kolegve kan ndar menditje nga pagat e veta për ti mbuluar këta të tre të punësuar dhe deri vitin e kaluar kemi pasur probleme në Gjykatë për këta të punësuar. Mos të përsëris por Buxheti Komunal është transparent e keni dëgjuar edhe në Kuvend pasi që jeni antarë edhe të Kuvendit e keni parë se nuk ka mundësi punësimi të një punëtori të ri shtesë e jo më shumë. Të gjitha qendrat e mjeksisë familjare që egzistojnë në Komunën tonë e kan qendren kryesore familjare që është në Novobërdë dhe kjo qender kryesore e bënë kërkesen për të gjitha qendrat tjera as sa i kemi mundësi i furnizojm, gjithashtu edhe Ministia kur ka mundësi na ndihmon. Në kemi pak mjete aq pak sa nuk mundemi ti mbulojm nevojat vetem në qendër kryesore, sikur mos të ishte kjo gjendje financiare ne nuk do të ishim këtu për të diskutuar, sa i përket asaj që përmendet ju se ka revolt mes të punësuarve Serb dhe Shqiptarë ka pasur më herët por tani nuk egzistojn këto probleme.

Zv.Kryesuesi i Kuvendit Bajrush Ymeri pasi përshendeti të pranishmit tha: ju e dini që janë katër mekanizma që bëjnë mbrojtjen dhe promovimin e të drejtave të komunitetve, është Nënkryetari për Komunitete, zv.Kryesuesi për Komunitete, Shefja e Zyres Komunale për Kthim dhe Komiteti për Komunitete, duke e pasur parasysh këtë ne duhet ta ndihmojmë Kryesuesen e komiteti për pregaditje të rendit të ditës, ka qenë kërkesë e imja për këtë pikë të rendit të ditës pasi që ka pasur kërkesa edhe në Kuvend dhe pse e kemi bërë kështu këtë pikë në rend të ditës është për arsye se kemi pasur kërkesa direkt nga stafi udhëheqës i këtyre dy ambulantave për këtë gjendje të mjerueshme dhe a jemi ne për këtë gjendje të mjerueshme?, nuk jemi për arsye se shendetësia e ka një fond të vetin, gjithashtu edhe Komuna mund të ndaj një fond të posaqëm për shërbime komunale, për funksionim të ambulantave ashtu si duhet të funksionojnë. Është tmerr pasi që doktori nuk ka as recept për ti përshkruar barnat pacientave, ndoshta kjo gjendje është edhe në ambulanta tjera por nuk kemi pasur ndonjë kërkesë të veçant. Ne jemi në një gjendje të vëshirë pasi që na është bërë dëmi më i madh me procesin e decentralizimit, ne kemi qenë dhe jemi qytetarë të përgjegjshëm, qytetarë të dëgjueshëm, jemi Komuna më e qetë në Kosovë, asnjë problem nuk ka ndodh i natyrave të mëdha që ndodhin në Komunat tjera, të gjithë këtë dëm e kemi pranuar në qetësi për hirë të situatës, sa problemet i kemi me hajni policia nuk kanë as automjete, sa problemie i kemi me zjarre e ne i kemi vetëm 8 zjarrëfiksa gjithashtu sa probleme me shendetësi e ne kemi pak mjek e të gjitha këto probleme qëndrojnë për arsye se jemi territor shumë i shpërndarë e kemi pak banorë dhe e di që ka kritere e që për neve janë të dëmshme p.sh numri i mjekve në territor të komunës përcaktohet në bazë të numrit të banorëve, askujt nuk po i intereson që territori i Komunës është kaq i shpërndarë dhe nuk ka mundësi me u mbulu, nese ne kërkojmë me u rrit stafi në ambulanta me mjek dhe teknik atëherë ne duhet ti mbulojmë prej të hyrave tona vetanake, pra kjo teknikisht është e pamundur andaj ne përqendrohemi të bëjmë diçka aty ku kemi mundësi, këto ambulanta që i kemi ti mbajmë si duhet. Sa i përket ambulantes në Bolevc është ndërtuar më kërkesën time sa kam qenë unë Kryetar, unë e kam vizituar fshatin Bolevc dhe e kam parë se shkolla dhe ambulanta kanë qenë në gjendje të mjerueshme dhe e kemi ndërtuar një objekt të ri me qëllim që shpejt të funksionalizohet por nuk ka pasur mundësi më herët, pra unë e kisha lut Drejtorin që të bëjë një vizitë në të gjitha ambulantat pasi nuk janë shumë dhe nga afër të njihet me gjendjen që kanë dhe për secilen ambulant të marrë me shkrim të kalkulojë shumën e nevojshme dhe të kërkojë prej neve një mbështetje në Kuvend dhe në Komitet dhe të kërkojë edhe prej Kryetarit të Komunës që ato kërkesa të shtyhen përpara.

Dobriboje Djordjevic tha: i nderuar zt.Drejtor mos e merrni këtë qështjen time si personale ndaj jush por përseri po e them dhe po pyes si është e mundur që në ambulantat ku është Komuniteti Serb me shumicë mos të ketë mjete dhe së paku të punësohet 1 ose 2 mjek të Komunitetit Serb kur e dimë se motrat që janë të punësuar aty dhe stafi teknikë kryejnë rolin e depoistit, ato mundë të ofrojnë një ndihmë por në mënyrë ilegale në mungesë të mjekut, gjithashtu ta përmendi se prej vitit 2017 në vitin 2018 i kemi bartur 45.000€ si mund të deklarohet se skenë mjete, në anën tjetër vendbanimi Koretishtë dhe Kufc janë fshatrat më të mëdha dhe nuk e dimë se kur ka mjek, tani po hapet ambulanta në Bolevc por çka vlen ambulanta pa mjek.

Tomislav Stankovic tha: sa i përket punësimit të mjekve unë sa herë e përgadis buxhetin për vitin e ardhshëm gjithmonë e paraqes edhe kërkesën për katër vende të punës për katër puntorë por asnjëherë nuk është aprovuar nga Ministria e Financave gjithashtu e përmendi edhe zv.Kryesuesi se me këtë buxhet është e pamundur të punësohet një mjek, po e përmendi edhe njëherë pasi që edhe ju e keni parë buxhetin dhe ne nuk kemi mjete për punësime të reja. Pasi që e përmendes se çfarë vlere ka ambulanta në Bolevc pa mjek po ju tregoj një rast nese një pacient shkon në Kamenic, Gjilan ose Novobërdë kontroll mjeksorë dhe mjeku ja përshkruan disa ineksione për të mos udhëtuar atë pacient çdo ditë majfton ajo ambulant dhe atë staf për ti kryer këto shërbime.

Abdyl Gashi tha: mendoj që Komuna si Komunë funksionon në bazë të dy digastereve kryesore e që janë arsimit dhe shëndetësia, funksionimi i qeverisjes lokale është afër këtyre dy digastereve të cilat i shërbejnë dhe janë afër qytetarëve, e kam parë një rast në Llabjan ku një pacient ka kërkuar një pastrim të plagës dhe nuk ka pasur fashë, jod e as formular për pranim të pacientave. Në këtë shekull mos me egzistojnë gjërat elementare përdoruesit në Komunat tjera bëhen kontrollat sistematike në shkollë, sikur të bëheshin këto kontrollat në Komunën tonë do vërejmë se 20-30% e nxenesve ndoshta kanë probleme me shikim dhe kjo krijon vështësi edhe në mësim dhe kjo është mirë të praktikohet pasi ka motra medicinale dhe nuk kanë numër të madh të pacientave. Në të gjitha mbledhjet i kam cek gjendjen e mjerueshme në ambulantë dhe kur ka qenë plani punës i KAB kam kërkuar që ajo shumë prej 5.000€ ku në emër të punës kanë bërë plazh të detikohet për të gjitha ambulantat. Në nuk jemi për tu ndarë si etni por jemi për të zgjedhur problemet bashkërisht, jetojmë në një Komunë ku buxheti ndahet në kokë banori dhe decentralizimi ka shkaktuar probleme të mëdha.

Tomislav Stankovic tha: e di që ka pasur situatë që nuk ka pasur jod por siç ju njoftova deri në fund të muajit apo edhe më herët kjo qështje do të kryhet, e di situatën në të cilën gjendemi dhe po më vjen turp nga kjo, sa i përket kontrollave sistematike është qështje e Ministrisë dhe në Komunën tonë egzistojnë vetëm shëndetësia primare dhe nuk kemi mjek specialistë në fusha të ndryshme siç e përmendet ju të pamurit, edhe po të deshironim të realizojmë këto kontrollat ne nuk kemi mjek. Sa i përket KAB dhe shkuarjes në Durrës nuk është qështje që kam mundur unë të vendosi, ndoshta kishte qenë mirë që ato mjete të shpenzonim në shëndetësi. Të gjithë ne po pajtohemi që kur është bërë regjistrimi i popullsisë nuk është bërë si duhet dhe kjo po na shkakton vështësi. Në momentin që më është dorëzuar detyra zt.Xhemal Novobërdali më ka ndihmuar rreth pregaditjes së një projekti për Qeverinë Japoneze ku vlera e projektit ka qenë rreth 70.000 € kemi kërkuar një autoambulancë apo automjet shëndetësor që të jetë një klinik levizëse me të gjitha paisjet, arsyetimin e kemi bërë se jemi një Komunë rurale dhe distancimi prej një vendbanimi në tjetrin është e madhe, e kemi menduar që të kemi një automjet të tillë që një ditë të shkojë në një vendbanim një ditë në një tjetër dhe nuk do të kishim neqë shumë nevojë për këto objekte të ambulantave, edhe vet Qeveria Japoneze është habitur pasi ka qenë risi për të, si është e mundur që në një Komunë të funksionojnë dy sigurime shëndetësore, nuk e kemi fituar këtë projekt edhe pse e kemi përgaditur në mënyrë profesionale, në fund na është kërkuar lista e pagave të atyre dy sistemeve, ata nuk kanë mundur të kuptojnë se si ka mundësi të egzistojnë një gjë e tillë edhe pse kjo ka ekzistuar prej '99 dhe ky ka qenë problemi kryesorë pasi të tjerët nuk kanë arritur të kuptojnë se si funksionon ky sistem disa puntor të paguhet prej njeriut të disa të tjerë nga tjetri sistem por punojnë në objekt të njëjtë.

Zv.Kryesuesi i Kuvendit Bajrush Ymeri tha: u diskutua tepër po përsëri nuk besoj që do të ketë ndonjë rezultat andaj kërkoj nga Drejtori që të informoj Kryetarin për gjendjen në të cilën gjendemi dhe ti prezantoj ndonjë strategji të re, a kemi mundësi prej të hyrave tona vetanake me financu ndonjë mjek apo jo?, para se të fukosohemi në hapje të reja të ambulantave ti financojmë dhe ti mbajmë si duhet këto që i kemi. Pasi mbledhja është thirrë me kohë pasi që kemi kërkuar që mbledhja e komitetit të thirrë para KPF dhe Kuvendit andaj po kërkoj prej Kryesueses së Komitetit që të kërkojë prej Kryesuesit të Kuvendit që të fusë pikë të rendit të ditës me këto rekomandime, unë do ta ndihmoj Kryesuesen që me material të shkojë Kuvendit këto rekomandime.

Pika e tretë: Problemi i transportit publik në Komunën e Novobërdës;

Për këtë pikë Kryesuesja ja dha fjalën Zyrtarit për Shërbime Publike Bajram Abazi.

Bajram Abazi pasi përshëndeti të pranishmit tha: sa i përket transportit publik e dini që ky problem është që një kohë të gjatë, tju informoj se problemi është për arsyet të operatorëve të cilët kanë bërë ankesa, pasi që Ministria ka hap tenderin e ka përzgjedhur Kompaninë por operatorët tjerë kanë bërë ankesa dhe pasi që është bërë rivlersimi lënda është kthyer në OSHP.

Kryesuesja e hap diskutimin për këtë pikë.

Zv.Kryesuesi i Kuvendit Bajrush Ymeri tha: unë kam qënë inicatori i parë që kam filluar me këtë transport prej vitit 2008, e kam thënë vazhdimisht dhe do të vazhdoj ta them që transporti për Komunën e Novobërdës është projekti më i rëndësishëm, a e dini sa ka ndikuar transporti publik në integrim të qytetarëve, transportin e kan shfrytëzu të gjithë qytetarët e Komunës së Novobërdës së bashku Shqiptarë, Serb dhe Rom dhe për 6 vite ka funksionuar si duhet dhe pas përfundimit të mandatit tim kan filluar problemet dhe e dini si është gjendja, ajo që është më e rëndësishmja e kam thënë edhe me një debat kur kam biseduar në telefon me Ministrin Pal Lekaj ku më është premtuar që ky problem do të zgjidhet shpejt por fatkeqësisht kanë kaluar 1 muaj dhe nuk ka ndonjë zgjidhje.

Behare Jashari pasi përshendeti të pranishmit tha: kur kemi pasur një takim me D.SH.P ka thënë se nese nuk zgjidhet problemi i transportit komuna do të lëshoj në qarkullim një minibus brenda Komunës së Novobërdës ku do ta shfrytëzonin nxënësit, penzionerët, të gjithë banorët mbrenda Komunës.

Zv.Kryesuesi i Kuvendit Bajrush Ymeri tha: për ta plotësuar Beharen, ne kemi marrë vendim në Kuvend Komunal me kërkesë të Drejtoreshes me i nda disa mjete për blerjen e nje minibusi që të operoj brenda teritorit të Komunës, ajo duhet të jep llogari se ku ka mbetur kjo punë pasi që i ka marrë mjetet në emer të minibusit për transport të banorëve, kem me kërku në cilen mbledhje është marrë ky vendim dhe do të kërkojm llogari se ku është.

Bajram Abazi tha: është marrë vendim për me u nda mjetet por unë nuk besoj që jan nda, sikur të ishin nda këto mjete me siguri që do të blehej deri më tani, sa i përket operatorëve ekonomik për të pasur një vij të re nuk kan llogari asnje Kompani. Problemi kryesor është operatori Merkatori i cili po na bënë probleme me ankesa.

Dobrivoje Djordjevic tha: a ka afat ligjor për ankesa?

Bajram Abazi tha: operatori ekonomik e bënë ankesen në Ministri, Ministria ka kthyer pergjigje dhe ka shpall fitues përseri të njejtën kompani, mandej ka bërë ankes në OSHP, pasi që e kan shqyrtuar OSHP ankesen e kan dërguar në Ministri për rishqyrtim.

Pika e katërt: Asfaltimi i rrugës në fshatin Bostan;

Për këtë pikë Kryesuesja ja dha fjalën Zyrtarit për Sherbime Publike Bajram Abazi.

Bajram Abazi tha: nese kish pas mundësi parashtuesja e kërkeses me sqaru se për cilen rrugë bëhet fjal.

Behare Jashari tha: është një rrugë në lagjen Bostan, prej viti 2013 kemi bërë kërkesa por në asnjë kërkes nuk jan përgjigjur, rruga është afër 1 km por ne kemi kërkuar që të asfaltohen vetem 130m, është bërë problem pasi që të gjithë e kan rrugen e asfaltuar, vetem romët jan diskriminuar.

Bajram Abazi tha: e di se cila pjesë e rrugës është, e kemi vizituar at rrugë, çdo vit bëjm riparime të rrugëve, nuk është e vërtet se jeni të anashkaluar ju romtë, pasi që një pjesë e romëve e kan rrugen e asfaltuar, sikur të kishim mundësi menjëher do ta asfaltonim pasi që nuk ka shumë metra ajo rrugë.

Pika e pestë: Problemet me ujra të zeza në fshatin Bostan;

Për këtë pikë Kryesuesja ja dha fjalën Zyrtarit për Sherbime Publike Bajram Abazi.

Bajram Abazi tha: kam dal në terren dhe kam bërë verifikimin se ku ka probleme me ujra të zeza, e kam pregaditur paramasen dhe besoj se prej të hënës do të fillojm me procedurat tenderuese.

Aleksander Pavic pasi përshendeti të pranishmit tha: pasi po bisedohet për kanalizimet e kam një kërkes nga një banor i fshatit Koretisht për rregullim të kanalizimit pasi që ka problem me ujëra të zeza.

Bajram Abazi tha: besoj se shumë shpejt do të zgjidhet ky problem.

Pika e gjashtë: të ndryshme;

Kryesuesja e hapi diskutimin për këtë pikë.

Dobri voje Djordjevic tha: po e shfrytëzoj këtë rast pasi e kemi përfaqësuesin e UNMIK-ut pasi që u njoftu me gjendjen në të cilën janë ambulantat a keni ju mundësi që të ndihmoni në organizatën tuaj për ndonjë donacion.

Nevzad Qurroi përfaqësues i zyrës së UNMIKU-ut pasi përshëndeti të pranishmit tha: roli ynë është monitorimi dhe raportimi i shqetësimeve, problemeve të Komuniteteve, raportet tona shkojnë në këshill të sigurimit dhe i lexojnë edhe Ministrit dhe Qeveria e Kosovës. Përmes raporteve tona lidhur me shqetësimet njoftohen edhe donatorët.

Pasi nuk pati diskutime tjera Kryesuesja i falënderoi të pranishmit për pjesëmarrje.
Mbledhja përfundoi në ora 11:50


Valmire Mustafa
Procesmbajtëse




Shpresa Kqiku
Kryesuese i Komitetit për Komunitete